

**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Articvlvs II. Vtrum Angelus sit compositus ex materia & forma. art. 2.

[urn:nbn:de:hbz:466:1-73915](#)

præsertim, inundare coperunt, ut de diluvij tempore Scriptura dicat: omnis caro corruperat viam suam, dictumque sit ad Noë: Te vidi iustum eorum me in generatione hac. Cùm autem natura tunc in suo labore persisteret, luxuriamque intemperantia circa cibum & potum committeretur, id in causa fuit, ut tunc proceriores, ac robustiores homines procrearentur, quam si quā antea, aut post diluvium: tamē negandum non sit, & ante illud sacerdotum, & post diluvium fuisse gigantes aliquos, ut Augustinus 15. de ciuitate Dei, cap. 3. & alii animaduerterunt censerunt.

In respotione ad tertium obserua quod D. Thomas ait, nempe circumscribi terminis localibus esse proprium corporum: circumscribi vero terminis essentialibus esse commune omnibus creaturis, eo quod unaquaque finita sit quoad latitudinem perfectionis essentialis. Solius vero Dei esse nullis terminis essentialibus circumscribi: eo quod infinita & illimitata sit perfectionis essentialis.

ARTICVLVS II.

Vtrum Angelus sit compositus ex materia & forma.

 VONIAM inter eos, qui Angelos censent omnino esse incorporeos, non defuerunt, qui nihilominus arbitrarentur eos materia & forma constare, neceſſe fuit post decisionem quæſtioneſ articuli præcedentis, hanc quoque excitare.

Auicebrōn in libro fontis vitæ afferuit, Angelos materia & forma constare, corūmque materiam esse eiusdem rationis ac specieſ cum materia corporalium substantiarium. Ducebat in eam opinionem, quoniam Angeli conuenient in aliquo cum substantiis corporeis, & in aliquo ab eisdem differunt, arbitrabaturque differentiam non esse aliud, quam formam, id vero in quo conuenient esse materiam eiusdem rationis in Angelis & substantiis corporeis: addebat tamen, à natura forma substantiarum corporearum refutare quantitatatem in eam materiam, cāque de cauſa substantiarum illas esse corporeas, formam vero Angelorum non esse eius natura, ut ab ea quantitas emanaret, & idcirco Angelos esse incorporeos, esto materiam habeant eiusdem rationis cum materia corporum.

Angeli non constare materia. Præter rationes D. Thomæ hoc loco impugnari posset commentum hoc rationibus omnibus, quibus ostendi soler materiam cœlorum non esse eiusdem rationis & speciei cum materia horum inferiorum: omnes enim simili modo probant, in Angelis, si quæ natura corruptionis expertibus, esse non posse materiam eiusdem speciei cum materia rerum sublunariorum. Quia tamen, ut in tractatu de opere sex dierum dicemus, arbitramur materiam cœlorum eiusdem rationis esse cum materia horum inferiorum, rationēque illas nihil valere, eas prætermittimus. Solum ergo addemus eas, quæ sequuntur. Præmia sit, in quo Angeli & substantiae corporeæ conuenient, est substantia genus supremum in prædicamento substantiæ: sed id nō est materia, quia materia est ens incompletum, genus autem illud est completum: ergo ex conuenientia in aliquo uniuoco, Angelis cum corporibus communis, perferat colligere materia eiusdem rationis quæ Angelis & corporibus fit communis. Secunda, species omnium cœlorum habent genus ipsius communis, nempe colorum in communi, differuntque inter se: & tamen

A non constant materia & forma: ergo ex eo quod Angeli conueniant cum corporibus in aliquo uniuoco, differantque ab illis, non recte colligitur eos constare materia & forma: genus namque non est materia, sed habet se in statu materiae, & differentia non est forma physica, sed habet se in statu formæ physicae, ut Aristoteles 8. Metaph. textu 9. est autor, quatenus videlicet genus contrahitur ac determinatur ad speciem per differentiam, non secus ac materia physica determinatur ad speciem per formam physicam: quare necesse non est, ea, quæ generis & differentia constant, materia quoque & forma physicas constare: neque in his, quæ materia & forma constant, genus est sola materia, aut desumitur à sola materia, sed à materia & forma simul, ut prima de generatione, cap. 4. copiosè ostendimus.

Hoc loco carendā est etiam opinio Durandi in Opinio Durandi negationis Angelos, nec accidentia confitare genere & differentia, sed sola composta ex materia & forma substantiæ, quasi in illis solum genus & differentia intrinsecè includantur, que materia & forma substantiæ constant. Ad genus namque & differentiam, que partes sunt essentiales, non physicae, sed metaphysicae, satis est distinctio formalis diuersorum graduum in eadem re, partes physicas non habente, repertorum. Quæ lāne distinctione optimè esse potest in accidentibus, & in Angelis, rēque ipsa est, quod Durandus loco citato non aduerbit, & idcirco inducere conatur opinionem, quæ artem prædicamentorum omnino destruit.

Diuus Bonaventura in 1. dist. 3. art. 1. q. 1. & 2. si attente legatur, neque transuerso vngue distat ab opinione Auicebroni quam explicamus: tamē non innatur fundamento Auicebroni, sed mutabilitatis quæ est in Angelo, ac aliis, quæ poteris legere apud eum. Ait namque, non solum Angelos constare materia & forma, sed etiam materiam Angelorum & corporum, si metaphysicè simpliciterque consideretur, esse eiusdem proposita rationis: à diversitate vero formarum, quibus in Angelis & corporibus informatur, provenire quod in corporibus quantitatam habeat, diuidique possit, in Angelis vero minime. Quoniam vero opinio facis in se dura est & absurdula, neque villa erat necessitas (si in Angelis anima concedantur) quare illæ materiae vniuentur, cum ex se non minus concedenda sint substanties, quām nostræ, neque fuerit ea necessitas, eas vniendi corporibus quæ erat in nostris, id quod sufficienter ostendit Angelos non constare anima & materia, & denique quoniam fundamenta D. Bonaventura nullam continent difficultatem, supervacaneum duxi longiorem circa eam texere disputationem.

Richardus in 2. dist. 3. art. 1. q. 2. & art. 2. q. 1. & 2. Richardi & Aureolus apud Capreolum in 2. dist. 3. q. 1. in argumentis contra primam conclusionem similiter assuerant Angelos, & esse incorporeos, & constare forma & materia, alterius tamen rationis à materia rerum corporearum. Fundamentum Richardi est, quoniam Angelus mouet seipsum quoad cognitionem & alias operationes, quāle, inquit, admittenda est in eo pars que moueat, & sit potentia passiva, atque adeo admittenda est in eo materia, & rursum admittenda est in eo pars realiter distincta que moueat & sit actus ac forma: eo quod ex Aristotele 7. & 8. Physicorum, idem non possit mouere seipsum. Hoc tamen argumentum, cui Richardus innititur, dissolutum fuit 8. Physicorum: intellectus enim Angelicus vñā cum specie intelligibili concurrens efficienter ad intellectum, solus vero intellectus eam sufficit: ut autem, iuxta sententiam Aristotelis eo loco, id non sit, idem

idem mouere scipsum, satis est quod aggregatum ex intellectu & specie distinguatur à solo intellectu tamquam includens ab inclusu. Fundamenta Aureoli vide, si placet, apud Caprealum.

Circa respondentem ad secundum & tertium D. Thoma animaduerte, proprium esse materia recipere formam substantialis: at verò communè esse omnibus substantiis creatis recipere accidentia: quò fit, ut nulla substantia creata sit actus purus, eò quòd omnis suapte natura comparetur non solum ad esse existentiæ, sed etiam ad alia accidentia, tamquam potentia ad actum. Adde, ut aliquid sit actus purus, necessarium esse, ut numquam sit in potentia, ut in actu exercito existat, sed semper suapte natura existat actu, quod nulli rei creatæ potest conuenire. Eaque est causa, cur neque ipsummet esse existentiæ creatum sit actus purus.

ARTICVLVS III.

Virum Angelis sunt in aliquo magno numero.

DISPV TATIO I.

Aristotelio
numero An-
gelorum sen-
tientia resul-
tatur.

SENTENTIA Aristot. 12. Metaphys. textu 48. fuit numerum substantialium separatacum, intelligentiarum, quas Angelos appellamus, esse iuxta numerum coelestium motuum, nec plures, nec pauciores. Eo autem loco idem Aristotleles affirmit, motus coelestium corporum esse 47. ac proinde totidem solum esse intelligentias. Alij verò affirmant esse 55. motus, & alijs pauciores.

Cum autem intelligentia, neque ad corpora cœlestia, neque ad eorum motus tamquam ad finem suapte natura ordinantur, eò quòd sine longè excellenter natura, idque quod excellentior est natura nequam ad id quod minus perfectum est ordinatur, perspicuum est, ex numero corporum, aut motuum coelestium non sufficienter colligi numerum Angelorum. Danda tamen est venia hac in re Aristotelium quòd finem illum excellētiorem, ad quem Angeli à Deo sunt conditi, ignoraverit, nempe visionem, amorem, ac fructum Dei clare visi, & vt bonitas, sapientia, & potētia ipsius in eis splendorer: rum etiā quòd ad inuestigandas lumine, naturali substancialiter separatas, earumque numerū, non alia sit via, quam motuum coelestium. His accedit, cum Aristotleles Deum agere ex necessitate natura fuerit arbitratus, sanè nisi iuxta numerū corporum coelestium, motuumque eorū illas constitueret, cogereat confiteri substancialiter separatas infinitas.

Prætermis ergo hac sententia, affirmandum est cum fide Catholica, Angelos in multo maiori quodam numero esse. Probatur ex illo Daniel. 7. Millia millia ministrami ei. & decies centena millia affiebant ei. Apocal. 5. Audiri vocem Angelorum multorum, & erat numerus eorum millia millium. March. 2. 6. Exhibebit mihi modo plusquam duo decim legiones Angelorum. Job 25. Numquid est numerus militum eius? In quem locum, conferens eum cum illo alio Danielis 7. citato, ait Gregorius 17. Moralium, cap. 9. (alias 7.) Numerus superiorum ciuitatum infinitus est (id est, in longe quodam maiori numero) & definitus exprimitur (Danielis videlicet 7.) ut qui Deus est numerabilis esse hominibus innumerabilis demonstretur (iuxta testimonium videlicet Job 25.) ibidemque dicit Anselmus in illud Apocal. 5. citatum. Dionyssius 14. cap. coelestis Hierarchia: Hoc etia, inquit, dignum est mea quidem sententia, spirituali coadu-
tione, scripta diuina, cum singulorum numerū tradunt,

A mille millia eorum esse dicere, & decies centena millia, quibus numeris maximos numeros, quos adhibemus, in se reflectunt & augent: atque his plane declarare celestium naturarum, qui à nobis numerari non possunt, ordines. Multi enim sunt beati coelestium mentium exercitus, qui infirmum, & contracutum numerorum corpororum quibus vivimus, modum superant, & transunt, atque scienter definuntur à sola eorum summa, coelesti que intelligentia ac scientia, qua eis faciliter conceditur à diuina sapientium effectrice, qua uniuersarum rerum singulari modo, & principium est, & causa efficientis sententia, & vis continens, & complectens determinatio. Quibus verbis docet plane idem, quod Gregorius & Anselmus ex ipso Dionysio affirmarunt, nempe, reflexione seu multiplicatione milienarij per milenarium, longe maiorem numerum, indefinitumque nobis significari: & præterea numerum Angelorum excedere longo interullo numerum rerum omnium corporearum, tantumque esse, ut Deo quidem, & Angelis ipsis beatis sit cognitus, multum tamen superest astimationem nostram.

Conclusio D. Thoma hoc loco est, substantias immateriales excedere secundum multitudinem substantias materiales, ferè sine illa comparatione. Conveniunt verò Caetanus hoc loco, & Ferrantensis 2. contra gentes, cap. 92. non esse intelligentiam, de substantiis materialibus quoad individua, quasi Angeli secundum numerum excedant grana arenæ, milij, tritici, & ceteraque individua aliarū rerum, que actu sunt, fuerunt, & erunt: id enim incredibile est; sed de substantiis materialibus quoad naturas specificas, ut innuere videtur D. Thomas artic. sequenti in response ad quartum, & inferioris qu. 112. artic. 4. ad secundum, dum dicit: Angelos excede quoad multitudinem naturas rerum materialium: nomine namque naturalum, species, non verò individua intelligi consueverunt. Aperiū autem se ipsum explicat 2. cōtra gentes, cap. 92. ratione quartæ, & de potentia Dei quart. 6. artic. 6. quibus in locis multitudinem Angelorum cùm multitudine specierum rerum materialium comparat.

Conclusionem probat D. Thomas: prīmo, autoritate Dionysij citata. Deinde verò hac ratione. Quia quād aliqua sunt perfectiora in hoc vniuerso, tāto in maiori excessu sunt creata à Deo intendente perfectionem & pulchritudinem illius: sed sicut in corporibus attenditur excessus secundum magnitudinem, ita in rebus incorporatis attendi debet secundum multitudinem: ergo sicut in corporibus, ex quibus constat hoc vniuersum, corpora incorruptibilia, quae sunt perfectiora, quasi sine illa comparatione excedunt quoad magnitudinem corpora corruptibilia, quandoquidem tota sphaera corruptibilium est modicum quid comparatione corporum coelestium: ita consonum est rationi, ut substantiae immateriales, omnium creaturarum nobilissima, ferè sine comparatione excedant secundum multitudinem substantias materiales.

Circa hanc rationem aduerte, vniuersum hoc, quod quasi domus, receptaculumque est ceterarum specierum, ex solidis corporibus simplicibus tamquam ex partibus integrantibus constare, ut initio librorum de celo notauius: reliqua verò species, vel esse tales, ut earum gratia mundus præcipue conditus sit, ut sunt creature liberò arbitrio prædicta, vel ad ornatum vniuersi, ministeriumque eiusmodi creaturarum pertinere. Vis ergo rationis D. Thomas est, quod quemadmodum in partibus integrantibus hoc vniuersum, corpora incorruptibilia, quae sunt nobiliora & perfectiora, quasi sine comparatione excedunt,